



01
3273
PB-21
2374

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-03-04-27624-8/21
Sarajevo, 29.07.2021. godine

SKUPŠTINA KANTONA SARAJEVO
- ovdje -

PREDMET: Odgovor na zastupničko pitanje zastupnice Danijele Kristić, dostavlja se

Zastupnica Danijela Kristić, na 39. Radnoj sjednici Skupštine Kantona Sarajevo održane dana 08.07.2021. godine u okviru tačke Dnevnog reda „Poslanička/zastupnička pitanja, inicijative i odgovori“, u skladu sa članovima 211. i 214. Poslovnika Skupštine Kantona Sarajevo, uputila je zastupničko pitanje Ministarstvu privrede Kantona Sarajevo, Pravobranilaštvu Kantona Sarajevo i KJP “ZOI `84” OCS d.o.o. Sarajevo koje glasi:

„Molim Ministarstvo privrede KS i KJP ZOI `84“ da mi dostave kompletnu informaciju vezanu za spor sa Općinom Trnovo vezano za staze na Bjelašnici i to:

KJP ZOI `84 da mi dostavi svu dokumentaciju vezano za staze ali i druge objekte na Bjelašnici i Igmanu (dozvole za građenje, historijat objekata od ideje do upotrebnih dozvola) te šta je preuzeto na uknjižbu i zaštitu imovine?

Također tražim da se dostavi kompletna informacija o povlačenju zabilježbe spora od strane uprave ZOI `84, što su organi preduzeća poduzeli po tom pitanju, te šta je Ministarstvo privrede poduzelo protiv uprave koja je donijela odluku o povlačenju zabilježbe spora.

Molim Pravobranilaštvo Kantona Sarajevo da se očituje po pitanju upisa Općine kao vlasnika u gruntu shodno dokumentaciji na osnovu koje ZOI polaže pravo na staze, te da se aktivno uključi, ukoliko do sada nije u ovaj predmet, i u suradnji sa KJP ZOI `84 pribavi i Skupštini KS prezentuje dokumentaciju na osnovu koje je Općina Trnovo upisana kao vlasnik staze.

Sve gore spomenute molim za kompletnu informaciju o svim poduzetim radnjama na zaštiti imovine KJP ZOI `84 na Bjelašnici i Igmanu.”

Odgovor Ministarstva privrede Kantona Sarajevo:

Shodno gore navedenom zastupničkom pitanju, Ministarstvo privrede Kantona Sarajevo je uputilo dopis - Zastupničko pitanje, dostavlja se, broj: 07-03-04-27624-7/21 od 22.07.2021. godine kojim je zatražen odgovor od KJP “ZOI `84” OCS d.o.o. Sarajevo.

Dana 28.07.2021. godine na Protokol Kantona Sarajevo, zaprimljen je dopis - Informacija povodom zastupničkog pitanja zastupnice Danijele Kristić, broj: 2165/21 od 28.07.2021. godine sa priložima upućenog od navedenog javnog preduzeća. Pomenuti dopis sa svim priložima Vam dostavljamo u prilogu ovog odgovora na zastupničko pitanje.

Prilog: Informacija povodom zastupničkog pitanja zastupnice Danijele Kristić, broj: 2165/21 od 28.07.2021. godine sa priložima

Ministarstvo privrede ističe da je dana 30.09.2019. godine zaprimilo je akt Skupštine Kantona Sarajevo, broj: 01-05-34846/19 od 27.09.2019. godine u prilogu kojeg je dostavljen akt Ustavnog suda Federacije Bosne



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



i Hercegovine - Dostava Zahtjeva za odgovor broj: U-35/19 od 23.09.2021. godine i akt Općine Trnovo - Zahtjev za zaštitu prava na lokalnu samoupravu, broj: 02-05-3452/19 od 30.08.2019. godine.

Načelnik Opštine Trnovo je podnio Ustavnom sudu Federacije Bosne i Hercegovine Zahtjev za zaštitu prava na lokalnu samoupravu navodeći da je odredbama člana 1. tačka 3. i člana 2. Odluke o proglašenju opšteg dobra i prirodnog bogatstva dijelova preduzeća kojim upravlja "ZOI '84 - Olimpijski centar Sarajevo" d.j.l. Sarajevo i izuzimanju iz početnog bilansa i programa privatizacije (dio koji se odnosi na Ski Centar Bjelašnica - Igman sa olimpijskim stazama sa pripadajućom zemljom i vertikalnim transportom, nordijskim stazama sa pripadajućom zemljom i opremom, skakaonicama sa pripadajućom zemljom i opremom, startno-ciljnim kućama, tehničkim bazama sa opremom, mjernim stanicama) povrijeđeno pravo na lokalnu samoupravu Opštine Trnovo, kao i prava propisana Zakonom o principima lokalne samouprave u Federaciji Bosne i Hercegovine. Na zahtjev Ustavnog suda, Skupština Kantona Sarajevo je dostavila odgovor na zahtjev koji je utvrdila Zakonodavno - pravna komisija. Komisija je prihvatila odgovor Ministarstva privrede Kantona Sarajevo, u kojem se navode relevantne odredbe Zakona o imovini Kantona Sarajevo, Zakona o javnim preduzećima u Federaciji Bosne i Hercegovine, Odluke o usklađivanju statusa preduzeća „ZOI '84 Olimpijski centar Sarajevo d.j.l. sa Zakonom o javnim preduzećima u Federaciji Bosne i Hercegovine, Zakona o stvarnim pravima i Zakona o privatizaciji preduzeća.

Dana 21.04.2021. godine Ustavni sud Federacije Bosne i Hercegovine donio je Presudu, broj: U-35/19 od 21.04.2021. godine koja je objavljena u „Službenim novinama Federacije BiH“, broj: 44/21. Pomenutom Presudom Ustavnog suda Federacije Bosne i Hercegovine odbija se zahtjev za zaštitu prava na lokalnu samoupravu podnesen od strane Načelnika Opštine Trnovo.

Prema Presudi, Ustavni sud Federacije je utvrdio da je Odluka o proglašenju opšteg dobra i prirodnog bogatstva dijelova preduzeća kojim upravlja "ZOI '84 - Olimpijski centar Sarajevo" d.j.l. Sarajevo i izuzimanju iz početnog bilansa i programa privatizacije pojedinačni pravni akt, koji predstavlja manifestaciju volje vlasnika jednog privrednog preduzeća koje vrši djelatnost od posebnog javnog interesa ("KJP "ZOI '84" OCS d.o.o. Sarajevo), a to je Kanton Sarajevo, da se izuzme iz procesa privatizacije jedan dio imovine tog preduzeća. Prema tome, u ovom konkretnom slučaju, Kanton Sarajevo nije kod donošenja osporene Odluke postupao u svojstvu višeg nivoa vlasti u odnosu prema jedinicama lokalne samouprave na svom području, kojima se bez konsultacija s njima nešto nameće, već je postupao u svojstvu osnivača i vlasnika odnosno upravitelja KJP "ZOI '84" OCS d.o.o. Sarajevo, javnog preduzeća od posebnog društvenog interesa, te je i osporena Odluka donesena u toj funkciji i tiče se samo pravnog režima imovine jednog konkretnog pravnog subjekta. Slijedom navedenog, Ustavni sud Federacije BiH je utvrdio, da se ovaj zahtjev ni ne može posmatrati kao zahtjev za zaštitu prava na lokalnu samoupravu, već bi prije moglo biti riječ o sporu koji se rješava pred redovnim sudom. Ova Presuda Ustavnog suda Federacije BiH je od izuzetne važnosti za Kanton Sarajevo jer je istom, Ustavni sud Federacije BiH odlučio da nije povrijeđeno pravo na lokalnu samoupravu Opštine Trnovo, a da je Odluka o proglašenju opšteg dobra i prirodnog bogatstva dijelova preduzeća kojim upravlja "ZOI '84 - Olimpijski centar Sarajevo" d.j.l. Sarajevo i izuzimanju iz početnog bilansa i programa privatizacije pojedinačni pravni akt vlasnika (Kanton Sarajevo) kantonalnog javnog preduzeća „ZOI '84“ OCS d.o.o. Sarajevo koje vrši djelatnost od posebnog javnog interesa.

Prilog: Presuda Ustavnog suda Federacije bosne i Hercegovine, broj: U-35/19 od 21.04.2021. godine

S poštovanjem,

MINISTAR

Adnan Delić

Dostaviti:

1. Naslovu
2. Vlada Kantona Sarajevo
3. Evidencija
4. Arhiva



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

